

李文忠公奏稿

李文忠公奏稿

卷之六十目錄

黃河海口定購機器摺 光緒十三年閏四月初八日

貝德格勘河請獎片 光緒十三年閏四月初八日

大員捐賑請獎片 光緒十三年閏四月初八日

奉天米豆由營口裝載摺 光緒十三年閏四月初八日

畿輔通志告成摺 光緒十三年閏四月初八日

威海辦防裁營濟用摺 光緒十三年閏四月十七日

巡船價銀無從應付片 光緒十三年閏四月十七日

海防捐輸變通章程摺 光緒十三年閏四月十七日

請緩鹽課奏銷摺 光緒十三年閏四月二十八日

請賞意國醫官設星片 光緒十三年閏四月二十八日

學堂人員請一體鄉試片

光緒十三年閏四月二十八日

洋藥稅釐辦法片

光緒十三年閏四月二十八日

李興銳請假片

光緒十三年六月初八日

電局官報請給半資摺

光緒十三年七月初十日

保舉將才摺

光緒十三年七月二十日

殺軍遠戍加餉難裁摺

光緒十三年七月二十日

鑄錢工費撥抵京餉片

光緒十三年七月二十日

工賑兼籌兩庫添撥摺

光緒十三年八月初八日

奏報周盛波服闋片

光緒十三年八月三十日

海防練軍報銷摺

光緒十三年八月三十日

永定河仍俟詳勘摺

光緒十三年九月十五日

船塢工費請改撥片

光緒十三年九月十五日

湖北調防兩營山直籌餉摺

光緒十三年十月十三日

鹽池教堂巡費免清片

光緒十三年十月十六日

洋藥籌撥要需片

光緒十三年十月十六日

武備學堂請獎摺

光緒十三年十月二十五日

北洋無制錢售銷情弊摺

光緒十三年十月二十五日

李文忠公奏稿卷六十

全集一之六十

桐城吳汝綸編錄

黃河海口定購機器摺

光緒十三年閏四月初八日

奏為遵奉

懿旨訂購外洋機器鐵船試挖山東黃河海口恭摺覆陳仰祈  
聖鑒事竊照醇親王等會奏黃河分流事宜案內聲明疏濬海口  
宜用機器船隻欽奉光緒十二年十二月二十二日

懿旨著總理各國事務衙門北洋大臣確加詢訪外洋機器船隻  
辦法仿造試行張曜本有與李鴻章商購機器船之說現在曾否  
定議等因欽此旋准總理衙門函屬臣辦辦主稿會奏臣諮詢西  
洋員匠據稱德國而樂貝河威似圖拉河法國蘇彝士河巴爾馬  
河皆係渾水又德國耳愛恩河即來因河係清水均用機器船浚

治有效山東黃河海口亦擬仿行曾桂撫臣張曜面商飭直隸道員金福曾與德國工員貝德格法國新盛機器公司德威尼等屢次考核據貝德格親赴黃河海口查看謂鐵門關外一望沙灘長百餘里寬百數十里極其深厚內僅有淺狹小溝一道曲折南行須先從沙外海水深處逐漸挖進恐非數隻機器船能遽獲效並據呈到圖說清單正在籌議聞欽奉前因又飭金福曾與天津司道及東海關道盛宣懷向貝德格德威尼詳究取益防損之法並往張曜面稱鐵門關外近水淤灘人力難施總以機器船爲宜能早購到即可試挖等因旋據金福曾等稟覆如購二隻在黃河下口鐵門關外太平灘一帶挖起將沙灘挖成河槽至少寬二十丈深一丈漸進至鐵門關約一百里合土三百六十萬方計時將及十年其自鐵門關上至姚家口尙有二百餘里亦須逐漸開挖未

免曠日持久查外洋於此等河道必多備機船方能迅速見功今  
東省經費支絀艱難而河患方亟海口淤塞口甚人力難施  
朝廷宵旰焦勞不能不藉此機船疏濬自應先購二隻試挖果能  
得力再設法籌款添購或自行仿造推廣辦理經上電商張曜意  
見相同即飭金福曾等向德威尼訂購在法國費務林商廠造辦  
鐵管挖泥送泥機器鐵船二隻每船長十丈寬二丈餘高八尺實  
馬力一百五十匹每點鐘挖泥八十方送泥可至一百八十丈以  
外船身輪機鍋鏽鐵管及一切附件皆用上等工料專門新法其  
零件應備兩副以便更換並備修理各種什物機器小修應在本  
船無庸另赴船廠所需管理船隻機器之洋匠由德威尼招雇保  
固三年無庸大修自訂立合同之日起至速須十四箇月造成運  
到裝攏於太平灣海口施工處所交收計兩船價伯及運費保險

合龍等項共合天津行牛化寶銀十四萬五千兩先付三分之一  
定銀四萬八千兩餘俟船到驗收試用一月如與所議相符再全  
數付清所訂合同兩分由盛宣懷德威尼收存除將合同稿並詢  
訪各節先行鈔送總理衙門查核一面咨會張曜依期籌付定銀  
將一切事宜分別預籌辦理外所有訂購外洋機器船緣由謹會  
同總理各國事務衙門王大臣恭摺陳伏乞

皇太后

皇上聖鑒訓示謹

奏



貝德格勘河請獎片

光緒十三年閏四月初八日

再訂購外洋機器船試挖黃河海口必先勘明淤塞情形酌擬辦法上年飭金福曾等考核之際據德國工員貝德格帶同德商斯立誠親往察勘兩次將鐵門關外沙灘長寬里數應從何處挖起土方若干詳細計算繪呈圖說並開清單寄閱甚為明晰查該員等往勘時初則正值盛漲猝遭風暴幾至中流顛覆繼則正河水竭由太平灣海外改乘小舟節節磨淺前進胼手胝足備嘗艱苦其往來費用均由自備不願開支具見向慕中國之誠認真出力殊堪嘉許臣接許景澄來信謂德國外部保薦貝德格熟諳工程切實可靠自非虛語據金福曾等稟請奏獎前來擬請

旨賞給德員貝德格三等第三寶星德商斯立誠五等寶星以獎勞勩照章由臣製造頒給仍知照總理各國事務衙門發給執照

理合會同山東撫臣張曜附片具陳伏乞

聖鑒訓示謹

奏

大員捐賑請獎片

光緒十三年閏四月初八日

再直屬災區奉賑孔亟經安徽撫臣陳彝捐解銀一千兩又順天府尹臣高萬鵬前在鳳翔道任內捐解銀一千兩全沾饑黎不少洵屬公忠體

國慷慨恤鄰雖皆誠心救災不願奏報邀獎但似此義舉有裨時局未便棄於

上聞可否將安徽撫臣陳彝順天府尹臣高萬鵬從優議敘出自逾格

鴻施理合附片具陳伏乞

聖鑒訓示謹

奏

奉天米豆由營口裝載摺

光緒十三年閏四月初八日

奏為天津道代運奉天牛莊及錦甯廣義四州縣米豆現經委員

前往察商定議均由營口裝載輪船以資便捷恭摺仰祈

聖鑒事竊臣前因天津甯河兩縣海船承運奉天米豆賠累難支

擬由天津道雇備輪船代運自今年為始先行試辦奏奉

諭旨允准當經咨行遵照旋經將軍慶裕侍郎啟秀府尹裕長將

籌辦情形擬奏大致以錦甯廣義四州縣海口偏僻輪船不能貼

岸剝兌艱阻為慮臣復飭天津道胡燏棻妥細籌議茲據該道詳

稱牛莊米豆前擬就近運赴營口剝兌上輪錦甯廣義四州縣米

豆因距營口較遠挽運維艱是以有分赴釣魚臺天橋廠海口剝

兌上輪之議該道於奏准後即派候補同知張恩爵馳往奉省會

同承辦米豆印委詳細商酌該四州縣均願將米豆一律改運營

口與牛莊米豆聯爲一氣兌載上輪在奉省可免延誤限期罰賠  
煤費而天津雇輪運往營口分批領運亦較便捷洵屬兩有裨益  
至輪船載運以有麻袋裝盛爲宜本屆奉省難於措備暫由天津  
道墊款購買裝米雙絲洋麻袋二萬條裝豆單絲粗麻袋一萬條  
交招商局陸續運往營口卽令該口海防同知妥存候用下屆應  
由奉省自備於營口槽牛船捐項下每年除歸天津運費銀一萬  
兩其餘儘數撥歸奉省作爲購袋之需從前津甯海船承運米豆  
係由奉省委員押同船戶套斛上載今改用輪船情形不同應由  
天津道先期遴派妥員赴營領運會同該省各員驗明米豆成色  
較斛裝袋上輪如米豆成色不佳斛面不足應責令奉省承辦印  
委各員照數換補上輪之後儘有潮溼霉變以及抵津卸載盤量  
短缺卽惟天津領運委員是問彼此互具日結各專責成天津委

員固不得刁難需索奉省印委必當慎選乾潔米豆不准攙雜短少並統限五月節前牛莊及四州縣一律運至營口四寄棧房由山海關道電知天津道雇輪前往所有營口接收口袋支發糧費及國棧剝運彈壓催提事宜應責令營口海防同知妥爲籌辦並由山海關道隨時認真督率照料務昭安慎到津後運通事宜仍由天津道查照向章辦理奉省應派押運委員仍令攜帶原斛附輪來津會同天津委員赴通交倉等情詳請奏咨前來臣查錦甯廣義四州縣米豆既經議定運至營口通商口岸與牛莊米豆聯爲一氣搭載輪船並購用麻袋裝盛由天津道委員前往領運洵屬彼此便捷奉省前奏所慮各節皆毋庸議慶裕等來咨亦謂張恩壽等所議甚爲妥協已分飭印委遵辦統限五月節前將米豆運齊營口候載如有未盡事宜再隨時察酌妥辦務歸盡善除咨

行外理合恭摺具陳伏乞

皇太后

皇上聖鑒謹

奏

畿輔通志告成摺

光緒十三年閏四月初八日

奏爲鑄修

畿輔通志現已告成恭摺具陳仰祈

聖鑒事竊照

畿輔初修通志成書在雍正年間距今百五十餘年臣前於同治十年十二月

奏明在保定省城設局重修

畿輔通志延翰林院編修今任陝西按察使黃彭年爲總纂欽奉  
俞旨遵卽督飭司道籌款開辦並遴選實學官紳查照核定體例  
門類分修增輯廣徵羣籍旁參案牘凡有關於掌故之大皆博收  
而慎采之又檄所屬郡縣詳加采訪月以冊聞隨時甄錄積年以  
來通力合作漸有端緒迨黃彭年服官鄂省臣復遵派直隸候補



知府吳煥采提調志局鉤稽纂校一手經理以專責成惟門類繁多詳略互見與圖沿革舊疏今密均當從容考覈俾臻完善且綴疆拱衛

神京兵政海防尤關大局皆向來志例所未備而爲近時著錄所必詳也臣夙備史官略諳掌故謬膺疆寄任重事煩每於公暇商略訂改計自開局以來至今十餘年幸於臣任內始終其事遂得彙成鉅帙鳩工開雕悉心校勘一律就緒編摩雖資乎羣力體裁實稟於

宸謨庶幾官司從政得有準繩首善之區益光

聖治查新修順天府志一百三十卷業由前府尹臣薛福辰於光緒十二年七月間會同臣等恭摺

奏聞茲重修

續通志計有三百卷之多訂成二百四十本其二十四兩除咨

送軍機處進呈

御覽及分咨

國史館備查外理合恭摺具

奏伏乞

皇太后

皇上聖鑒謹

奏

威海辦防裁營濟用摺

光緒十三年閏四月十七日

奏為威海衛創辦海防工用浩繁擬即就歲撥舊有額例酌裁營哨以濟要需而資挹注仰祈

聖鑒事竊臣於光緒十三年二月間准海軍衙門咨稱北洋沿海一帶除已建礮臺已設防兵各口外尚有山東界之威海衛奉天界之大連灣兩處水深口寬形勢扼要關係渤海門戶不容不量為布置請將吳大澂所部練軍十一營撥赴威海衛臣部銘軍十一營撥赴大連灣駐紮扼守吳大澂勇營月餉歲需銀四十餘萬兩係舊有之款擬仍照文毋須再議增減惟兩處購辦巨礮魚雷築臺設棧所費不貲應分年籌撥庶易集事請在於洋藥釐捐內歲撥三十萬兩以十年為期逐歲經營威勢可期大振等因於本年正月二十七日具

奏奉

懿旨依議欽此欽遵咨行到臣當經分飭銘綬各軍統領遵辦一面派令沿海前敵水陸營務處前將長蘆運司周馥會同各該統領先行前往各海口詳細履勘旋據稟覆前來除大連灣設防事宜另行籌辦外臣查威海衛瀕臨大海地段綿長礮砂林立恰當黑水洋來路水勢既寬且深該處南北各口必須分築大礮臺十餘座乃可憑以扼守而徧山石骨嶙峋踴築營壘先須鑿石填坡翻山運土雇夫募匠施工倍極艱難所需各項物料本地無從采買又須遠道購運約計應用經費實繁且巨查西洋後膛大礮三四萬斤以上方可憑高擊遠抵禦鐵艦每礮連架具必需五六萬金每礮必需巨礮二三尊魚雷水雷在水面布置者爲數亦鉅統計大連灣威海衛兩處分用前項不敷尙多實未能兼顧築臺之

費且吳大澂奏定於吉林機器局內歲撥銀二萬兩以爲製造等  
需現該軍歸併北洋又經吉林將軍奏請添撥部議令將前制之  
款撥還吉林該軍少此一項更形支絀臣與沿海前敵營務處周  
旋及綏遠各軍統領戴宗緒再四商議現既無款可籌祇有斟酌  
變通暫就綏遠等軍酌裁馬隊兩營護衛步隊一營卽以所節之  
月餉彌補工用之不足挹彼注茲或可稍資周轉已令儘此月  
內籌給遵照議裁減彙案核實造報現留步隊七營礮隊一營  
馬隊水雷各一哨均經拔隊赴成如此變通辦理既與海軍衙門  
原奏吳大澂勇營月餉本係舊有之款毋須再議增減一層仍相  
吻合庫款亦無所出入而於築臺興工需費較有裨益該口地段  
甚長所留八營二哨往後防守不敷分布應請俟礮臺一切布置  
完竣再行酌核辦理臣爲該口創辦海防工用浩繁通籌節省起

見合將所就歲撥額酌裁營哨以濟要需而資挹注緣由繕摺具陳伏乞

皇太后

皇上聖鑒訓示施行謹

奏

巡船價銀無從應付片

光緒十三年閏四月十七日

再准戶部咨開洋藥稅釐併徵稅務司應購置巡船需款擬由東  
海關撥銀三萬兩分作四期於本年正月初九日併徵以後所收  
洋藥稅釐項下如數撥交先由六成洋稅項下墊發俟洋藥稅釐  
收起撥還原款以清界限等因當經轉行去後茲據東海關道盛  
宣懷詳稱該關洋藥釐金向供泰安輪船經費每年需銀四萬餘  
兩歷因收不敷支挪墊甚鉅前已請將加增藥釐除留支緝私善  
舉等項外儘數動用彌補輪船歷年不敷之款咨部有案乃洋藥  
進口箱數短絀異常挪墊輪船經費尙難逐漸彌補而糾私及善  
舉等項苟能裁減亦可稍裨於公但緝私無款則偷漏難免善舉  
無款則教養俱廢不得不暫請照案留支自本年正月初九日起  
改歸新關併徵至四月初八日止僅有洋藥二萬二千餘斤所收

內地稅釐除留支外只合銀一萬四千五百兩零以之供支正二  
三四等月輪船弁兵薪糧煤斤軍火等項已動用無存至六成洋  
稅本有解支京津各餉及稅務司薪水本關經費向亦入不抵出  
嗣因奉派代還神機營原借洋款利銀每年八萬餘兩而六成稅  
除支稅務司薪水本關經費祇合八萬兩不得已將應解京津各  
餉奏咨改撥以期專顧洋恩旋奉部撥本省黃河工費銀五萬五  
千兩除兩次湊解銀二萬兩下欠三萬五千兩毫無指款又部撥  
鉛價銀一萬兩甫經設法挪解現實無可再挪此該關洋藥內地  
稅釐及六成洋稅竭蹶之實情茲又奉撥購買巡船價銀委係庫  
空如洗一籌莫展計距五月初十日第一期爲日無幾儻有貽誤  
關係匪輕詳請奏明在南省洋藥進口暢旺各關由部月行改撥  
等情前來臣查東海關所收洋藥內地稅釐本極有限其六成洋



稅亦屬無多已有恩文泰安輪船經黃及代選神機營洋息專款  
均經戶部核在現計人不敷出本省黃河工需尙欠解銀三萬五  
千兩艱窘可知據詳奉撥巡船價無從應付確係實情相應仰懇  
天恩俯准敕部於稅釐較旺各海關迅速酌量勻撥以免貽誤理  
合會同山東撫臣張曜附片具陳伏乞  
聖鑒訓示謹

奏

海防捐輸變通章程摺

光緒十三年閏四月十七日

奏為海防捐輸現歸部庫收辦擬請變通章程以濟要需恭摺仰祈

聖鑒事竊照海防事例前因防務緊急暫准開辦繼又展限一年至本年正月間海軍衙門預籌經費奏請接濟復經戶部議覆令將各省捐局截至三月底一律停止統歸部庫收辦自為正本清源杜絕流弊起見惟此次展限捐輸係專備海軍衙門支款並撥作北洋三鐵艦及續購四快船川費暨東三省練軍月餉之需在在均關緊要即旅順船塢工款直隸所收展限捐項僅及得半之數亦須海軍衙門設法挹注全賴收數暢旺源源接濟以資應付無如開辦迄今已逾兩載有餘始則捐生尙稱踴躍繼因各項班次除知縣一項猶有選期外餘已概行擁擠縱有情殷報效者多

存觀望之心卽就各省捐款而論光緒十二年二月以前一年捐款直隸收至一百五十餘萬兩他省亦收三四十萬兩至二三萬兩不等迨展限以後至本年各省停捐日止直隸僅收六十餘萬兩餘惟臺灣廣東較勝於前此外概形減色是捐務早成弩末已可概見若不亟籌設法變通誠恐部庫收辦亦難遽有起色臣處北洋水師要款均須仰給於海軍衙門不得不代切杞憂謹就現辦捐例內詳加考核尙有可以設法推廣之處酌擬數條敬爲我皇太后

皇上臚陳之一道府兩項宜酌改選班也查海防捐輸以道府銀數爲最鉅定例京官非曾任郎中員外主事實缺外官非曾任繁要正印實缺捐納道府概不准銓選中缺今各省簡缺既屬無多又有

特旨五缺及截取人員插班是道府海防新班先新班卽兩項花  
樣選途甚窄擬請比照州縣選法凡係正途出身及曾任京外各  
項實缺人員捐納道府在子中簡並選庶幾選班疏通或可藉資  
鼓舞一翎枝宜減成收捐也查翎枝本係虛榮與實職有間從前  
晉豫賑捐章程凡捐花翎三品以上捐銀二千兩四品以下捐銀  
一千兩藍翎減半由捐納藍翎加捐花翎在抵銀五百兩由保舉  
藍翎加捐花翎在抵銀二百五十兩現在海防事例三品以上捐  
銀三千兩四品以下捐銀二千兩藍翎一千兩其由捐納藍翎加  
捐花翎在抵一半保舉藍翎不在作抵因捐數過昂故報捐甚少  
擬請嗣後報捐翎枝仍照晉豫賑捐章程辦理庶幾捐數減輕凡  
欲得寵榮者必當較前踴躍亦於名器無妨一佐雜過班宜酌復  
舊例也查從前籌餉舊例佐雜保舉補缺後人員過入保升班次

已滿三年者祇補三班未滿三年者應補六班後又續改新例凡  
未滿三年者不准報捐已滿三年者應補六班此次海防事例即  
係照此辦理是力甚充足者限於年分致阻其向上之忱而力量  
未足者又因銀數過鉅無從措手擬請將此項過班人員仍照從  
前銜例辦理以廣升途一道員擬准加二品頂戴也查從前  
火器營章程由鹽運使銜道員捐銀五千四百兩准加二品頂戴  
目前海軍衙門需款甚鉅較之昔年火器營尤為緊要頂戴究係  
虛銜擬請准其推廣報捐但必須得鹽運使銜後方准報捐恐亦  
無幾擬將道員有三品銜者仍照火器營舊章捐納其無三品升  
銜者應准加倍報捐仍統按八成上兌以示限制一銜封貢監貢  
仿照賑捐成數也查直東兩省現辦賑捐准按海防事例再減二  
成今海防捐例仍按八成准貢合輕就重擬請嗣後銜封貢監亦

照直東賑捐減成上免俾免兩歧其責監一項如應鄉試並報捐  
正項官階仍令補足四成實銀以符定例以上各節或係量為變  
通或係辦有成案均與部章政體尙無窒礙可否  
飭下部臣酌核議辦雖不敢謂捐款遽可多加亦稍收土壤糾流  
之助臣為力需要需推廣捐章仍無流弊起見是否有當理合恭  
摺陳請伏乞

皇太后

皇上聖鑒訓示謹

奏

請緩鹽課奏銷摺

光緒十三年閏四月二十八日

奏為援照歷屆成案請緩長蘆本年正課奏銷以恤商艱仍無誤

協撥京奉各餉恭摺仰祈  
聖鑒事竊據長蘆鹽運使賀良楨詳稱蘆商正課例限五月奏銷

自同治十年後商情艱窘節經  
奏准緩至十月啟徵茲因例限將屆催令各商完納據通綱商人

言有爭等一百二十五商稟稱直隸災歉頻仍元氣未復引鹽銷

滑成本虧賠商力異常疲敝歷年蒙將正課展緩藉可專顧春秋

兩運仍於秋運後趕緊完課並未誤解餉期限且能增交銀數有

裨餉需蓋奏銷時日稍舒始得勉竭商力今奉催照例限完課苟

能遵辦曷敢瀆求惟當春運喫緊截至四月底通綱過關引鹽僅

十餘萬包未染運者甚多即引地稍來標項亟須先顧鹽價運腳

其上年欠課及未完帑利並應設法補交情形已甚竭蹶商疲累太多全指秋後回標以完現課此時實萬難兼顧懇將本屆正課奏銷援歷年成案展緩該運司詳加體察確係實情若令依限完納恐致力不能交徒事參迫無裨實際請緩至十月啟徵仍可無誤京奉各餉並聲明永屬鹽課奏銷應屆時隨同辦理方能彙計分數等情具詳前來臣查長蘆正課前因商情艱窘疊次奏請展緩均已奉

旨允准但可依限催納豈容稍事稽延惟向累甚深刻值告連喫緊實難兼顧課款相應援照歷屆成案籲懇

天恩俯准將光緒十三年正課奏銷緩至十月辦理以恤商艱卽以保全課帑屆時當督飭運司認真催徵將奉撥京奉各餉除已劃撥外仍於年內解清斷不敢稍任遲誤理合恭摺具陳伏乞



皇太后  
皇上聖鑒訓示謹  
奏

請賞意國醫官寶星片

光緒十三年閏四月二十八日

再上年長崎滋事時中國水兵受傷頗多經意大利兵船醫官甘多爾福醫治有效自應請旨賞給寶星以敦睦誼查兵船醫官其職分與游擊都司相等擬請酌給三等第三寶星如蒙俞允卽由臣照式製造頒給除咨總理衙門知照意國公使外附片具陳伏乞聖鑒訓示謹奏

學堂人員請一體鄉試片

光緒十三年閏四月二十七八日

再准總理衙門咨開會議御史陳瑋奏開算學取士一疏請旨飭各省學臣於生監中考取算學生咨送總理衙門考試覆核等因仰見

朝廷遜才惟廣勸業務精莫名欽佩臣思西學所長雖以算學爲先導而節目繁多日新月異如總理衙門所試格物測算及機器製造水陸軍法船礮水雷等藝似非佔畢儒生墨守九章成法者所能盡其廣博臣於光緒六年七月奏開天津水師學堂挑取各省良家子弟專習駕駛八年四月又分設管輪學堂其習駕駛者則授以天文地理幾何代數平弧三角重學微積駕駛御風測量演放魚雷等項其習管輪者則授以算學幾何三角代數重學物力汽理行船汽機機器畫法機器實藝修定魚雷等項十一年正

月又奏開武備學堂調取各營中穎異少年授以兵法地利軍器  
礮臺算法測繪及步礮馬隊操法近更考取幼生文義粗通者課  
以幾何代數重學測量礮準等書查學堂之設雖爲造就將材起  
見要皆以算學入手兼習經史其中亦有文理清通而志切觀光  
者儻異日得由科甲進身則文武兼資未始不可爲禦侮干城之  
選惟該學生等籍隸各省程途遠隔若令先期回籍靜候學臣按  
臨未免廢時曠課臣再四思維當茲洋務併興之際旣欲惜其寸  
陰又懼

國家作人之方未便阻其進取合無仰懇

天恩俯准於鄉試之年除各省士子兼通算學者由本省學臣考  
試咨送外所有天津水師武備學堂學生及教習人員屆時就近  
由臣遴選文理清通者開單咨送總理衙門聽候考試錄送一體

鄉試以資鼓勵而廣登進若俸而獲雋仍歸學堂及水師陸軍調  
用俾收實效是否有當謹附片陳請伏乞  
聖鑒訓示遵行謹  
奏

洋藥稅釐辦法片

光緒十三年閏四月二十八日

再洋藥稅釐併徵一事前飭北洋三關道遵辦均於本年正月初八日將舊捐截止卽於初九日在新關併徵並將津海關併徵事宜奏報在案茲據山海關道廣蔭詳稱正月初九日以後進口洋藥皆令按新章每百斤交釐銀八十兩並進口稅銀三十兩未交者封存關棧其正月初八日以前各商未完釐之洋藥業經查明飭令歸數補繳並刊營口洋藥稅釐併徵之關防與稅務司預用印花以便按包黏貼其進貨憑單則蓋用關道關防並稅務司印信由商人自行赴關請領所徵稅釐銀兩照向章分款入庫稅仍按結彙報釐則按結專報每年進口洋藥無多驗貨發單等事較簡擬令新關原有人役兼理暫不添募現於新關附近建造官棧一所爲存積洋藥及辦公之地工料由稅務司核實支用作正開

銷又洋藥質輕極易收藏稅釐併徵成本益重恐其夾帶走私必須嚴防偷漏輪船只能往來洋面而沿海民船漁艇傍岸行駛港汊淺灘處處可以繞越實爲輪船所不到該道前議河岸以上仍設巡卡河岸以下另設巡船皆不可少其土藥釐金收數雖微若竟漫無稽查亦恐走私日眾洋藥銷路被其侵佔故於奉文後將釐局裁撤詳明另於海關附近設緝私局卡兼徵土藥釐金安立章程督飭員役認真經理庶免奸商偷漏稅釐受虧又查洋藥稅向係彙入洋稅分別解支按結冊報應仍循舊辦理其釐金一項每箱向解天津賑需等銀十二兩又本關留支銀十六兩爲各項善舉及局用巡費餘則開支營口馬撥戶關房租及湄雲輪船不敷煤價等用再有盈餘報部候撥查以上經費皆關海防洋務緝私杜弊或撫恤窮黎均甚緊要事歷多年勢難中輟並應照舊解

支以現有釐金每箱八十兩計之除解津十二兩留關十六兩實存五十二兩作爲正項分別支用候撥該關洋藥進口每歲不過二百數十箱每箱留支十六兩歲不過三千餘兩作爲各項善舉局用外銷實不敢稍有糜費等情具詳前來臣復核無異理合附片具陳伏乞

聖鑒救下總理各國事務衙門戶部查照謹奏



李興銳請假片

光緒十三年六月初八日

再直隸候補道李興銳

上諭派充出使日本國欽差大臣應即遵

旨陛見頃據前稱久在關外感受瘴癘驟患左肢痠痺之證前於

閏四月二十二日接奉來京電

旨當即呈請赴滬就醫山勘界大臣鄧承修電奏在案茲復欽承

恩命何敢稍涉稽遲惟辭藥雖有微效山與回滬水陸程途勞憊

過甚動履仍覺艱難風溼依然綿結請據情代奏籲懇

賞假一月在滬調理俟痊愈即赴京謝

恩請

訓等因臣查李興銳隨同勘辦越邊界務前後三年出入瘴鄉積

受溼熱力疾從事界務既定始得請假就醫現聞調治漸有起色

而積勞致疾尙難速愈計徐承祖到差尙未扣足三年期限李  
興銳自可稍緩起程擬懇  
天恩賞假一月俾得趕緊調理除咨總理衙門外理合附片具陳  
伏乞

聖鑒訓示謹

奏

電局官報請給半資摺

光緒十三年七月初十日

奏爲電報商局應收京外衙門頭等官報費部議不可以領存官  
款劃抵擬請酌給現資一半以期官商兼顧持久不廢恭摺仰祈  
聖鑒事竊准戶部咨開各省設立電綫案內北洋熱河淮軍餉及  
南洋山東撥存商局官款其合湘平銀二十六萬九千六百餘兩  
除以光緒八年三月起至十一年六月止頭等官報費劃抵外尙  
餘官款未抵報費湘平銀四萬一百餘兩其廣東前撥官項湘平  
銀二萬七千三百六十兩月由兩廣官報費劃抵嗣後頭等官報  
不得再行計資劃抵等因當經轉飭在案茲據總辦電報事宜東  
海關道盛宣懷詳稱前創辦津滬電綫所用官款除由商繳還六  
萬兩又議定五年後分年續繳二萬兩其餘湘平銀九萬八千七  
百餘兩奏明自光緒八年三月改歸官督商辦起以商局應收軍

機處總理衙門各省督撫出使各國大臣洋務軍務頭等官報費  
則抵俟此項抵繳完畢則無應還官款則前項官報亦不領費以  
雖商人報效之忱等因此僅就自津至滬官報抵支官款而言今  
則南北十餘省皆設電綫官報已四通八達所領各省官款自應  
悉照津滬之例一律劃抵報費現除抵繳南北洋山東官款並將  
餘銀四萬一百餘兩抵支十一年六月以後報費外尚有原領江  
鄂川廣各省官款應抵銀三十餘萬兩部議嗣後不得再行劃抵  
敢不遵照惟官督商辦之舉其要在上下相濟官款商情似宜兼  
顧電綫創始之時官報僅居商報十分之一眾商以爲官報不復  
加增又冀常年官貼巡費因有官款抵繳完竣官報亦不領費之  
議旋蒙核定官貼巡費只以五年爲限且各省官報日繁動輒數  
百言均列頭等往往停擱商報夜以繼日猶僅傳發及半實與初

減時情形不同是以局董謝家福等會請官報冗雜恐誤軍國要  
務商報停減尤虞局費不支必使情弊如金斯可官商兩益又據  
江浙閩粵眾商以官報太多商情踴躍請將官報一律核發現  
資庶各惜費不致冗雜均經轉詳有案電報必字簡乃可速達西  
文可逐字傳遞華文一字須用號碼四字代之功夫已費四倍況  
華文以曉暢爲工報費又有抵支官款未免盈篇累牘遞誤事機  
商局常年經費惟賴商報現資官報口多則商報日少蓋發報定  
例次序官先商後故商報必遲惟其愈遲故生意愈少卽如上海  
福州廈門各港口往來電報本較各口爲多茲就光緒十二年  
分核計該局僅有商報費洋銀二萬三千餘元其流入英丹海綫  
傳遞者則有洋銀十二萬五千餘元此本華局可沾之利乃爲洋  
商所得加以電桿林立枯朽隨之逐年修換必數萬金箇中津貼

巡政相繼則滿每歲又需商出數萬金就此三項少入加支之款計之每歲已需洋銀二十萬元他項經費在外所收商報費有限實屬賠累不堪查東西洋各國商設電纜其初設之時必由公家認付股商利息至沿途巡護樁纜之巡捕均由公家發給口糧凡有官報悉照商民一體給費恤商如是而不嫌其優蓋商利厚則電務益興深有裨於軍國大計也今電局尙有應抵官款卽照初議亦未屆報效之期況現值局勢岌岌而部議不准再抵則原領官款須以現銀分年歸繳眾商力更難支若不將官報核給現資電局斷難立腳然竟照各國通例無論何項官報一律照商報付資爲數較鉅亦非上下相濟之道該道傳諭眾商勉以大義悉心酌核所有軍機處海軍衙門總理衙門戶部等衙門南北洋大臣出使各國大臣領事官報皆關軍國要務請自光緒十三年六月

起按月結算報資以一半由眾商報效一半援照遞寄外洋電報  
章程歸出使經費項下按月核給各省將軍督撫等官報亦屬  
緊要事件並由眾商報效一半其餘一半各就情形彙發現資以  
期眾擎易舉均蓋用印信爲憑此外提鎮司道防營局所礮臺兵  
船印委寄報均照三四等章程令其自行出費如遇軍務海防要  
件亦照商報出費仍發在商報之先以示區別等情具詳前來臣  
查電局經費本指商報現資乃各省官報冗雜太甚應接不暇以  
致商報日稀經費無出餘據眾商呈稟曾於光緒十一年咨行各  
省有案惟號令不齊迄今仍紛紛列作頭等官報電局接收之後  
不敢不遞而統計抵支官款遂成鉅數是公家與電局兩有所損  
現既商力艱窘局勢岌岌卽不得不變通辦理妥爲維持以免要  
舉中輟該道擬京外衙門頭等官報酌給現資一半以一半由商





保舉將才摺

光緒十三年七月二十日

奏為遵

信保舉將才恭摺仰祈

聖鑒事竊准軍機大臣字寄光緒十三年四月初八日奉

上諭各省提鎮大員均有專閫之責必須才略素優方足以資整

頓邇來軍務攸平尤應安不忘危物色將才用備任使著各直省

督撫於軍營著績人員內無論實缺候補各就其人之才具或長

於陸路或熟於水師出具切實考語分別保奏其曾經引見發往

各省差委之提鎮各員本欲令其練習營務以備緩急並著隨時

留心察看如有才識出眾之員一併奏保聽候簡擢等因欽此

惟前代命祁國徵武猛賁三公舉將帥屢見詔書傳於史冊然不

過選舉之常科或適值疆場之多事今當鏡清之日仍應

深宮側席之思

聖謨廣遠度越往古凡在我行能無感奮伏念直隸防軍環衛

畿輔復荷

特諭創練水師故北洋號爲宿天下重兵各軍緣海屯紮自大沽  
北塘以及山海關旅順口近復東至大連灣南至威海衛移營列  
戍遠道分防器械則精求新式工作則忍耐艱苦又自數年以來  
防俄防法防倭渡遼盡無日不在警備勤勦之中故能士皆選鋒  
將猶朝氣現在水陸統將如四川提督宋慶雲湖南提督周盛波  
直隸提督李長樂廣東陸路提督唐仁廉天津鎮總兵丁汝昌等  
或久歷戎行或新蒙  
簡拔凡茲才器固在  
聖明洞鑒之中至於部曲列校亦不乏材堪造就之員謹就記名

提鎮尤爲出色者詳察列保以備

朱擇查有記名提督劉盛休幹練老成器局端重記名提督衛汝  
貴訓練精嚴謀勇兼裕記名提督趙懷業樸實勤練調度有方記  
名提督馮起勝曉暢軍事動合機宜記名提督姜桂題驍勇無前  
饒有幹略記名提督大沽協副將羅榮光請求西法能用利器記  
名總兵黃金志練隊耐勞紀律嫻熟記名總兵林泰曾統率兵輪  
深通西學性行忠謹以上八員並爲候補提鎮中不可多得之才  
如蒙

特恩量予簡擢允足以勵戎行而作士氣臣忝握兵符久膺疆寄  
將才不易需用方殷既有所知何敢壅於

上聞理合恭摺謹奏伏乞

皇太后

皇上聖鑒

奏

毅軍遠戍加餉難裁摺

光緒十三年七月二十日

奏為毅軍遠戍奉天旅順海口食用艱難原有加餉運費無可裁減恭摺仰祈

聖鑒事竊准戶部咨開光緒六年河南毅軍調防奉天將加餉運費全行添給係為奉調遠戍長途跋涉而設今駐紮旅順常年設防其加餉運費應查明或裁或減等因當經咨行統領毅軍四川提督宋慶總理北洋水陸營務處津海關道周馥遵照查議茲據體察軍情詳細具覆前來臣查毅軍正餉每營馬隊月支銀一千七百九十餘兩步兵隊月支銀一千八百四十餘兩為數本少即在河南本省僅敷口食同治七年調赴山西奏定馬步隊每營月加餉銀五百兩運費二百兩光緒元年撤回豫省停支加餉仍給運費六年二月欽奉

寄諭宋慶所部毅軍調赴奉天扼要防守該軍所領口糧應如何  
照現放章程酌量加增以示體恤奏明辦理豫省仍如數源源接  
濟毋令短缺等因欽此經臣於是年三月間奏請每營每月仍照  
案加餉銀五百兩又欽奉

上諭該軍現赴奉省越境防守軍士食用較難自應加給餉銀著  
照出境加餉章程銀數隨同正餉運費一併籌給等因欽此歷經  
遵行在案今毅軍仍遠駐奉天旅順口要地辦理海防分營扼守  
與光緒六年調往時情事相同旅順本係大洋荒島三面臨海地  
不產糧軍米馬料以及柴薪菜蔬皆購自遠處價既昂貴且相距  
千餘里六七百里不等海程則風濤稽滯陸路則車輛難招運費  
尤重較前在山西糧少運艱情形尙有過之歷年以來惟指此  
加餉運費竭蹶經營藉資騰飽不特毫無餘賸且有不敷之時弁

勇久役海濱耐受寒苦情甚可憫既別無鼓勵之端若將應得者再議裁減必致食用有缺殊不足以維繫軍心夫各省官兵奉調出境本有加餉之例況該軍越境遠赴奉天係因額餉較少欽奉諭旨加增

天語煌煌軍士同深感戴其常年設防旅順口捍禦渤海及

陪都門戶關係綦重該處糧料缺乏購運艱阻價腳倍昂與長途跋涉情形無異設因惜小費而再議裁減恐致師不宿飽貽誚外人相應仰懇

天恩俯念海防關係重要該軍遠戍勞苦食用艱難准將原有加餉運費照章支給免其裁減以示體恤仍同正餉由河南如數源源接濟俟將來撤回豫省再行分別停支理合恭摺覆陳伏乞皇太后

皇上聖訓示敕部查照謹  
奏



鑄錢工費撥抵京餉片

光緒十三年七月二十日

再京中需用制錢臣已奏明飭天津道機器局其認造十萬串由長蘆鹽課應解京餉內撥給銅鉛價及各項工本銀八萬兩旋准戶部咨商添鑄又飭藩司於省城設局認造五萬串所需銅鉛卽在部購東洋銅英國白鉛解存天津項下截留各二十萬斤其餘工本銀兩部議仍由應解京餉內撥用等因茲據藩司松椿詳稱遵經設局建鑪購器募匠趕緊鑄造惟銅鉛須由津運省旣較津局多一運費將來鑄成制錢自省陸運至京又較由津水路多費其路程亦較遠及此外應需各項工本擬請於長蘆鹽課應解京餉內撥銀一萬四千兩事竣據實咨部核銷等情前來臣查此項工本銀兩已准部議於應解京餉內截留除飭運司賀良楨照數撥給濟用卽抵解本年京餉外理合附片具陳伏乞

奏  
聖  
照  
敕  
部  
查  
照  
謹

工賑兼籌兩庫奏撥捐

光緒十三年八月初八日

奏爲近畿水災爲災堵口工需繁巨災區兼籌賑撫先就藩運兩庫設法籌濟應懇恭摺仰祈

聖鑒事竊本年順直地方伏秋大雨連綿邊外山水暴發奔騰匯注各河同時盛漲順天永平遵化保定天津河間等屬窪區瀝水匯歸深至數尺永定河之南七工潮白河之平家疴皆已漫口新城雄縣之大清河北隄高陽蠡縣之豬龍河北隄及此外各河隄埝亦有漫溢附近地方多被災禍任邱縣之千里隄則因安州淀民盜挖成口而永定河南七工及平家疴各漫口尤關緊要必須剋期籌堵以保運道民生臣已派署永定河道金福曾勘辦該河工程派候補知府桂本誠會同通永道許鈴身勘辦潮白河工程惟永定河南八工尾閘先於二月間漫口本擬就此作爲下口今

因南七工續漫停溜南八適在下游已成旱口而南七以下河身  
均已淤高須審定何處作爲下口挑濬引河加培隄身約計工段  
條長需門繁鉅且南七口門刷去平灘百數十丈深至一丈七八  
尺堵築甚形棘手潮白河西高東下東趨箭桿河其勢順西入北  
運河其勢逆今須挽大溜自東而西加以口門寬深全用水占工  
程極大連此外各河應堵隄埝各屬應辦賑撫所需實屬不少直  
隸係缺額之區糶賦入不敷出又值連歲災歉蠲緩項庫儲極  
絀是以從前永定河大工等費皆奏請部撥臣深知部庫及外省  
帑項支絀敢不其艱時艱先就本省竭力設法移緩就急免致部  
臣爲難茲已商飭藩司松椿於地糧等項下湊銀十二萬兩前因  
熱河壩工緊急江西浙江解款未到何由藩庫暫墊銀十餘萬兩  
現經該兩省陸續匯解來津卽於此款內照數抵撥應用並飭運

司員良楨由運庫歷年鹽課雜項內籌湊銀十萬兩以濟目前要  
需仍俟估計工程及核明賑需若干如有不敷再隨時察酌奏辦  
所有直屬工賑需款先就濟運兩庫設法籌湊緣由理合恭摺具  
陳伏乞

皇太后

皇上聖鑒訓示謹  
奏

奏報周盛波服闋片

光緒十三年八月三十日

再前據總統盛軍退缺題奏提督周盛波呈報親母栗氏於光緒十一年四月二十五日在籍病故例應丁憂懇請回籍臣以盛軍新簡二十餘營分紮海疆要地拱衛

畿輔責任綦重奏蒙

天恩准飭周盛波在營穿孝以資統轄旋奉是年七月初八日上諭湖南提督著周盛波署理欽此茲據該署提督周盛波呈報自光緒十一年五月初五日在天津海防閘訃丁母憂遵

旨任營穿孝除閏月不計外扣至光緒十三年八月初五日二十七箇月服滿等情前來相應奏明循例起復伏查周盛波謀勇兼優勳勞夙著深得士心其才能實足獨當一面准軍諸將資望無出其右今既服滿應否仰蒙

特恩補授湖南提督仍留營帶隊臣未敢擅擬伏候

聖裁謹附片具

奏

海防練軍報銷摺

光緒十三年八月三十日

奏爲查明天津海防練軍光緒十二年分收支各款照章造冊請  
銷恭摺仰祈

聖鑒事竊據天津支應局司道詳稱津郡練軍及大沽葛沽北塘  
各礮臺防營並雲字營馬隊營務處小隊應需餉項向由津海關  
六成洋稅招商局稅洋藥釐捐東海關協餉長蘆鹽斤復價正雜  
課各項下隨時撥撥節支放業將光緒十一年以前收支款目  
疊次奏咨准銷在案查十二年東海關六成洋稅因湊付神機營  
原借洋息難以協撥津軍月餉不得已暫於天津鹽金項下挪墊  
銀二萬兩折合庫平一萬八千八百兩已彙開清單咨部至應支  
餉乾薪工等項並大沽等處臺礮等費以及設局辦公租賃民房  
添置帳棚旗幟號袿采買製造軍火器械悉照奏定章程歷年准



銷成案核實支放其新增者隨時咨部立案茲據該司道造具十二年分收支細數清冊詳請

奏咨前來臣逐加覆覈自光緒十二年正月初一日起至年底止舊管項下實存銀二萬七千八百三十九兩九錢七分七毫二絲一忽五微新收各款並本案扣收平餘銀三十八萬三千一百四十一兩七分四釐三毫七絲三忽四微開除支款應歸戶部核銷銀三十四萬四千二百七十四兩二錢五分三釐九毫一絲六微應歸工部核銷銀三萬四千一百三十四兩七錢二分八釐四忽二微合其銷銀三十七萬八千四百八兩九錢八分一釐九毫一絲四忽八微實在存銀三萬一千八百一十六兩六分三釐一毫八絲一微已支發十三年分餉項列入下屆滾接造報至奉部核准歷年墊支不敷銀二萬一千一百七十八兩九錢四分七釐五毫九

絲七忽仍於冊內列報應俟月案核辦後再行開除所有光緒十二年天津海防練軍收支餉銀請銷緣由除清冊咨部外理合恭摺具

奏伏乞

皇太后

皇上聖鑒敕部核銷謹

奏

永定河仍俟詳勘摺

光緒十三年九月十五日

奏為查勘永定河南七漫口工艱鉅難堵合現在南流暢順  
有益本河無礙清河擬俟來年詳勘察辦以昭穩慎恭摺仰祈  
聖鑒事竊永定河南七工西小隄四號於六月二十二日漫口經  
臣奏派署永定河道金福曾勘籌堵築事宜並因南八下汛尾閘  
先於二月開漫口迨南七西小隄續漫奪溜南八適在下游已成  
旱口應否就此改為下口飭該道一併勘議又以堵築改口事關  
重大添派熟悉情形之正任津海關道周馥及該管下游地面之  
天津道胡燏棻詳細會勘妥籌茲據金福曾周馥胡燏棻稟稱永  
定河自南七以下河身本甚高仰歷逢大水之年無不先溢其隄  
外冰窖地方係乾隆年間減水草壩舊址地最窪下故此處漫口  
最難堵合查道光二十四年南七工五號漫口四十餘丈河坎刷

深二丈引河長八十餘里先估銀三十餘萬兩後因改走北淇月  
行估辦亦用銀十四萬八千餘兩本年西小隄四號漫口四十餘  
丈續塌一百數十丈現已寬至二百丈較道光二十四年增寬數  
倍其河坎刷深之丈尺及引河工段難挖情形則與前案相似且  
西小隄距對岸北七工大壩不及三百丈河身過窄不能北移此  
次堵口壩基又必越進原隄數十丈方與河頭勢合則距北壩愈  
近合龍後原壩斷不能守卽就西小隄補還原土加廂掃段南北  
依舊相偪太甚惟有將南岸十里正隄向在小隄之外不臨水者  
一律培補高厚以爲退守之策但統計堵口挑河培隄各費格外  
設法節省已需銀十餘萬兩其修堵下游南八上下兩汛禦水險  
工及尾閘挑溝濬淤一切繁費尙不在內卽使堵合仍是暫顧月  
前隄外地勢過低隄內束縛太緊如遇盛漲難保不再潰決此就

南七原口堵築之難也或謂南隄之南相距數里十數里有老南  
堤一道其中爲康熙乾隆年間河身若於現在南隄漫口之外另  
行堵築引水順南隄老南隄之間行五十餘里從徐家鋪以下出  
口此在康熙三十七年初次下口安瀾城之下形勢頗爲暢順下  
游南八上下兩汛險工可以避出惟老南隄以內大小四五十村  
安插不易下游老南隄盡處尙離淀河十餘里須另築隄或出洋  
芬港或出鐵頭隄溜勢直冲淀河不能散水勻沙實有淤墊之患  
且地勢北高南下老南隄必形喫重防守亦無把握至築隄疏河  
工費太大決非十餘萬兩所能辦其遷房撥地各費尤不可預計  
此就南隄外改道之難也又查本年南七漫口之水出南隄後向  
南直瀉復決開老南隄從劉莊王化莊過曲頭村入信安西窪卽  
信安淀再入勝芳淀以歸東淀當盛漲時水流湍疾刷成河槽勢

若歸壑上游一二十里且有刷深一丈或數尺之處現時水落附近新淤地畝已種麥苗信安淀約寬一二十里水深處不及丈淺處尺餘泥沙積於窪內清流入於淀河察其形勢於永定頗得順下行疾之益於清河亦無淤阻之虞與乾隆年間三次改移下口散水勻沙之意相合此以不治爲治暫無庸合龍較爲簡捷省費惟水所經過各村地畝秋禾被淹春麥失種殊形困苦是又民情水勢未能兩得其平之實情也伏讀

高宗純皇帝觀永定河下口題詩註云自乙亥改移下口以來此五十里之地不免俱有停沙日下固無事數十年之後殊乏良策未免永念惕然等因欽此

聖明燭照幾先萬世臣子同深欽服迄今百數十年下游河底日高較乾隆年間河身又高丈餘中洪淤而自雙口入鳳河之路斷

下洪淤而白堦光入清河之路又斷本年二月南八下汛尾閘漫溢業經奏明應否就此作爲下口俟秋後察看籌辦今者細加勘度如就南八下汛作爲下口亦未十分暢順蓋河至今日幾無出路可尋從來治水所以爲民然總以順水性爲主逆水性而救民民不能救徒糜工費況今年節候較早工程甚巨封凍前已趕辦不及即使勉強合龍而水勢不順來年或再決或別決其害更甚應請緩至來年詳勘察辦等情具稟前來臣查今年直境水潦爲災前經奏明督飭辦理竭力籌湊銀二十二萬兩除潮白河平家疇堵口大工約需銀十四萬餘兩僅贖銀七萬餘兩以之辦理各屬賑撫尙多不敷據該道等估稱堵築永定河南七口門及挑河培隄需銀十餘萬兩其修培下游禦水各工並尾閘挑溝潴淤一切繁費尙不在內需款過多實覺無從設措然使工程穩固足

恃亦當援案

奏請撥帑勉爲其難今既未有把握竊恐徒糜巨費蓋河身久經淤墊南七以下尤形高仰下口殊乏出路若不察地勢不順水性逆挽而行轉恐無益有損該道等謂堵南七口門及南隄外改道一時皆難舉辦確係實情其擬就目前南行之勢暫緩堵合雖爲水過各村所不願但兩害相形須去其重該河每屆汛漲卽慮潰溢實由河底淤高下口不暢故未能安瀾順軌今南行旣刷有河槽勢若歸壑避出南七以下高仰處所又有信安淀寬一二十里散水勻沙甚得就下行疾之益可免衝突旁決之虞是去其害之重而就其輕者且向來渾水南行恐其直瀉東淀爲害清河今經過信安淀勝芳淀等處泥沙停積而後流入東淀於清河亦無淤墊之病尙屬無礙大局

臣與該道等反覆商議擬俟來年詳勘水



勢河形有無變遷再定堵築之法兼籌下口出路因時制宜安酌  
奏辦以昭穩慎惟信安窪一帶村庄被水情殊可憫應飭賑局司  
道查明籌款撫恤藉紓一隅民困其南七口門勘定壩基之處並  
飭該河道添築裏頭埝段認真防護毋使續塌謹繪具漫口形勢  
圖說恭呈

御覽所有查勘籌議情形是否有當理合恭摺具陳伏乞

皇太后

皇上聖鑒訓示謹

奏

船塢工改請改撥片

光緒十三年九月十五日

再前准戶部咨北洋旅順口船塢工程要款由東海關六成洋稅  
本年京餉內撥給銀四萬七千六十八兩零解歸塢工應用等因  
當經轉行去後茲據東海關道盛宣懷稟稱該關每年徵收六成  
洋稅除提一成半出使經費及本關稅務司薪水等項所餘有限  
而應解京餉抵閩京餉津防月餉貴州協餉則需銀十五萬餘兩  
厯因收不敷解奏請展緩免議欽奉

諭旨允准在案上年奉部飭代還神機營原借洋款利息計每年  
需銀八萬數千兩其原有京餉抵閩京餉津防月餉貴州協餉更  
難兼顧已奏請停解嗣經部議將上年京餉改解山東河工又因  
無款改解奏請由部另撥今查自上年十二月初八日第一百六  
結起截至今年八月十四日第一百八結止共收六成洋稅商局

稅及半稅銀十五萬一千一百七十五兩零連第一百五結存銀  
七千二十二兩零其合銀十五萬八千一百九十七兩零除提出  
使經費銀一萬六千三百十兩零稅務司薪水銀二萬七千兩木  
關八分經費津貼傾鎔等銀二萬三千四百十五兩零代還神機  
營洋息三期銀六萬三千六兩零解山東河工銀三萬兩戶部購  
鉛價銀一萬兩劃撥滇餉銀六千六百六十六兩零其支解銀十  
七萬六千三百九十九兩零除以收抵支並將商局二成稅銀七  
千三百七十五兩零湊還洋息外尙不敷銀一萬八百二十六兩  
零暫在本關六成船鈔項下借墊均經按結造報有案可稽本年  
於照章支解之外又添撥山東河工部購鉛價劃撥滇餉較之每  
年解款已多至四萬六千餘兩實屬羅掘一空所有前項京餉撥  
作船塢工款委無餘力墊解請奏咨改撥前來臣查東海關六成

洋稅向來收不敷解應撥京餉逐年奏緩勢非得已況本年又添撥河工鉛價眞餉銀四萬六千餘兩據稟京餉撥作船塢工款委無餘力挪墊確係實情惟船塢係水師根本海防要工現雇洋匠承辦料價工資需用甚鉅待支急切萬難停緩業經海軍衙門戶部一再准撥東海關既無可籌所有前項工款銀四萬七千六十

八兩零相應仰懇

天恩敕部迅即改撥有著的款剋日解津或仍由部庫海防捐續收項下撥給速濟要需理合附片具陳伏乞

聖鑒訓示謹

奏

湖北調防兩營由直籌餉摺

光緒十三年十月十三日

奏爲湖北調防直隸之武毅兩營扼守畿東門戶雖遞裁撤擬自  
來年起由直所行籌餉今年仍由湖北解足以顧要防恭摺仰祈  
聖鑒事竊湖北武毅軍馬步四營前於光緒六年奏調來直駐紮  
蘆臺辦理海防歸提臣李長樂統領節制仍照章由湖北給餉上  
年因節省餉需已裁撤馬步兩營僅留步隊兩營今戶部以湖北  
須添協廣西軍餉令將該兩營裁撤俾資挹注如不裁撤由直自  
行籌餉等因當經咨行去後茲據提臣李長樂以蘆臺濱海要區  
未可空虛無備既無換紮之隊勢難裁撤原營並據水陸營務處  
正任津海關道周馥會同長蘆運司准軍收支委員籌議詳覆前  
來臣查直隸淮練各營並非全駐本省除大沽天津北塘蘆臺山  
海關沿海一帶擇要扼紮外如奉天之旅順口大連灣山東之威

海衛每處分撥十餘營八九營不等令與直省海口各營一律修築礮臺精練利器講求戰守誠以

畿輔重地渤海要衝臣忝任北洋防務不得不並顧兼籌以爲建威銷萌之計他如西北邊外多倫經棚等處直至西南大順廣各府縣延三千餘里馬賊鹽梟土匪時有出沒向爲商民之害又必須練軍擇要分駐巡緝戶部原奏將淮練各軍合併牽算計有八十餘營實則分布三省海防及巡緝邊外腹地各要隘地方過形寬廣兵力尙形單薄也且北塘至山海關相距四百餘里皆沿海要地原駐永平昌黎樂亭之銘軍綬帶軍已調赴大連灣威海衛現僅蘆臺數營勉力支柱與爲聲援實未便再議裁撤武毅軍本有二十餘營隨臣征戰多年不定髮捻各匪久經大敵與各處新營見賊卽退者迥異懸經疊次裁遣只存兩營百戰之餘器精藝

然而又兵將相困恩信久孚棄之亦殊可惜既係得力之師又居緊要之地自應仍舊留防以顧畿東門戶庶緩急稍有可恃查該兩營正餉雜款除陸續帶欠外每年約需現銀七萬餘兩湖非既有添協廣西軍餉所有原供該兩營餉款應請截至本年臘月底止自光緒十四年正月起由臣設法在長蘆運庫正雜課項下每月勻撥銀三千兩其餘在淮軍額餉內勉力騰挪湊發所應要需以符部議惟直力本有未逮淮餉亦非寬餘將來能否常此接濟或仍須改撥再隨時體察情形奏辦現屆十月截至臘月底止應需餉款爲數無多應請

旨飭下湖北督撫臣仍照章迅速解足從前直隸墊發該軍月餉曾經該省議明分季籌還應仍照數如期解直歸墊各清各款除咨行外所有籌議所留武毅兩營緣由理合恭摺具陳伏乞

皇太后

皇上聖訓示施行謹

奏



蘇池教堂遷費完清片

光緒十三年十月十六日

再蘇池口教堂遷移西什庫應給改建經費銀三十五萬兩業將  
第一次銀十二萬兩第二次銀十一萬五千兩由總理海軍衙門  
總理各國事務衙門分別籌給在案其第三次應付銀十一萬五  
千兩前經海軍衙門議由臣處籌給當飭各司局遵照茲據長蘆  
運司賀良楨等詳稱各庫竭蹶異常例支之款尙多短欠添撥本  
甚爲難惟此項奉撥銀兩關係緊要不得不於無可設法之中竭  
力挪湊移緩應急以免失信遠人現由長蘆運庫新舊正雜課項  
下撥銀四萬兩支應局北洋防費項下撥銀四萬兩淮軍月餉項  
下撥銀三萬五千兩其合十一萬五千兩各於奏銷案內就款開  
除已彙交津海關稅務司德琳撥付匯豐銀行轉給教士樊國  
樑兌收清款除分咨查照外理合附片陳明伏乞

聖  
恩  
詔  
奏

洋藥籌撥要需片

光緒十三年十月十六日

再洋藥稅釐併徵一事前飭北洋三關道遵辦均於本年正月初八日將舊捐截止即於初九日在新關併徵並將津海山海兩關併徵事宜應提經費奏報在案茲據東海關道盛宣懷詳稱正月初九日以後進口洋藥除每百斤完進口稅銀三十兩外皆令照新章交釐銀八十兩按包黏貼印花蓋用東海關監督關防及稅務司印信其正月初八日以前已經報稅尚未完釐之洋藥一體勒限補繳至應提經費一節前奉部咨既由稅司開報關道毋庸再支即有必須設立局卡以防走私之處儘可歸併土藥局兼辦等因惟東海洋面袤延二千餘里處處環山與他口形勢迥異魚艇民船皆在水淺處往來如織稅司輪船僅能游弋洋面其港汊紛歧沙灘淺阻近岸處所仍須設法防範是以該道於接奉新章

後派員雇船設局稽查並於沿海各口分布巡丁緝訪已獲夾帶偷漏及黏貼破舊印花希圖影射者多起並據該關稅司詳請嚴緝是走私確有明徵巡查實難少懈至土藥自省西而來設卡稽徵均在萊州青州一帶陸路與洋藥之由海口入內者不同若責令西路土藥委員兼辦必致顧此失彼此巡緝經費必不可少之實情也且應支外銷之款向來不止緝費一宗如辦理申外交涉發審案件則有員役薪工之費東省居民向劫洋船幾成銅書沿海設卡保護商船則有董事巡丁飯食雇雇船之費各國租界洋關碼頭則有巡捕工食及修理之費以及書院義學粥廠暖廠華洋醫院貧民棉衣又如天津之廣仁堂濟南之尙志堂廣仁局均有歲捐之款無不取給於此事歷多年勢難停罷此又各項外銷善舉必不可少之實情也以上應用各款從前皆於洋藥釐金外

由各商接箱隨時捐交雖未報部均有稟明各上司案卷可查今  
藥釐加重改歸新關併徵商人無力再捐而原捐之數實已包在  
併徵之內自應酌量提撥查該關每年約需銀一萬四五千兩  
今格外撙節核計擬請自本年正月初九日起無論洋藥進口箱  
數多寡每結由併徵釐金項下准撥銀二千五百兩以爲前項各  
款之用不敷若干由該道設法捐補庶可嚴杜偷漏整頓藥釐而  
華洋公事地方善舉亦不致中輟至總稅司擬呈辦法內有行店  
煙館請領憑據按年交捐一節查煙臺自老沙遼新沙遼兩洋行  
關閉後僅剩華商數家均係小木營生實難責令繳捐轉致歇業  
應請免議等情具詳前來臣覆核均係實情自應照辦謹會同山  
東撫臣張曜附片具陳伏乞  
聖鑒收下總理衙門戶部查照謹

奏

武備學堂請獎摺

光緒十三年十月二十五日

奏為天津創設武備學堂已逾兩年著有成效應將教習繙譯人員及屢考優等兵弁援案擇尤請獎恭摺仰祈

聖鑒事竊臣於光緒十一年在天津建設陸軍武備學堂挑選各營精健聰穎略通文義之兵弁入堂肄習兵法曾於是年五月奏明事屬創始風氣未開不可不多方誘掖擬將教習繙譯各員及屢考優等學生按照總理衙門同文館成案二年奏保一次以示鼓勵奉

旨著照所請該衙門知道欽此欽遵在案上年四月間醇親王巡閱北洋親赴學堂查勘課程奏稱規制整肅各生徒於陸路鎗礮臺壘之法童而習之長令入營帶隊必得實用將材自日出不窮等語誠以學堂為儲備將材之地亟宜加意培植西洋各大國皆

以此爲自強根基天津學堂自光緒十一年正月創設後據各督  
統領陸續挑選兵弁子弟一百數十人來堂肄業多係驍健精敏  
之材募雇德國兵官朝夕課導所習天文地輿格致測繪算化諸  
學礮臺營壘新法皆有實用並時操習馬隊步隊礮隊及行軍布  
陣分合攻守諸式仍兼習經史以充根柢兩年以來勤課不懈於  
西洋武備各學俱通門徑屢派司道大員月試季考勸懲兼施  
前月臣復親臨考驗各項操法一律嫻熟試以礮臺工程做法及  
測繪算化無不洞悉要領於行軍制勝之道頗有裨助因擇其屢  
考優等學生飭令回營轉相傳授次等者仍留堂學習並選新生  
入堂肄業分番迭進庶幾成就更多收效更廣惟是西洋練兵製  
器之法日新月異中國邊海各防密邇鄰邦平日若不認真講求  
臨事必至張皇無措今之統兵將領皆從前屢立戰功已擢顯職



年力漸就衰頽後起材武之士全賴學堂爲之甄拔造就若使精  
心向學屢考冠帶者進身無路而不予以升階殊不足以資鼓舞  
而開風氣且回營充當弁目何以鈐束眾兵盡心課督至堂內教  
習繙譯各員有由出使外洋調回者有由總理衙門調用者其出  
力期滿之員自應擇尤一併保獎以示激勸相應將武備學堂優  
等學生及教習繙譯尤爲出力人員開具清單仰懇

天恩俯准照給獎敘庶願學者其聞風而興起在事者益奮勉以  
圖功於培植將材籌邊固圉之道裨益非淺除照章飭開各員履  
歷咨部並應給干把以下末弁咨部註冊外是否有當伏乞

皇太后

皇上聖訓示施行謹

奏

北洋無制錢售銷情弊摺

光緒十三年十月二十五日

奏為遵查北洋三口並無存積制錢轉售銷燬情弊恭摺仰祈

聖鑒事竊臣欽奉八月十六日

上諭有人奏洋人於通商口岸購運制錢熔化提銀各省釐局存

積純銅制錢加價售於錢商錢商售於洋人銷燬如果實有其事

必應嚴行禁止著李鴻章曾國荃裕祿確切查明據實覆奏並咨

行沿江沿海各督撫飭屬一體認真查禁以杜弊端等因欽此遵

即咨行奉天山東欽遵辦理並飭津海山海東海各關道天津道

各就口岸地方確切查明具覆茲據署津海關道劉汝翼天津道

胡燏棻東海關道盛宣懷署山海關道廷彥詳稱津郡市面現錢

甚少惟指錢帖周轉向禁鋪商囤積居奇釐局係以錢帖銀兩收

捐本無現錢進出煙臺收釐係用銀兩營口收釐係用錢帖銀兩

其現錢不敷行使情形與天津相同皆無私售錢商轉售洋人銷燬情事臣查北洋三口現錢本少時賴南省運來接濟其乾隆以上制錢尤不多見所收關稅釐捐或用銀兩或用錢帖並未存積現錢無從私售至洋商有以現錢運赴內地置辦土貨者爲約章所准行亦無售去鎔化提銀情弊除仍飭隨時認真查禁外理合恭摺據實覆陳伏乞

皇太后

皇上聖鑒謹

奏

李文忠公奏稿卷六十